

նախանձէր զբարիոք նախանձն: Եւ թէպէտ հարեալ էր ի սէր անապատին՝ սակայն իբրեւ զՏարսոնացին որ ըզձայր նըզովիլ ի Տեառնէ վասն երդարց իւրոց, և վտանգէր ի ձգմանէ երկոցունցն ի փափաքանաց և ի հոգւոյն: Մինն պատուէր զլերինս և զամայութիւնս և զհանդարտութիւնս, ներքին և արտաքին մարդոյն, և զմտացն յինքեան երթալ զնալ, և անմնաս անդրէն դառնալ առանց աղտոյ խաւսել ընդ Աստուծոյ, և ճառագայթ հոգոյն մաքրապէս փայլել, ոչ խառնել ընդ ստորինս և ընդ պըղտորս, և ոչ յաստուածային լուսոյն ի բաց անգեալք՝ մինչև հասցուք զաղբիւրն և կասեցուք ի տենչանացն՝ լուծեալք ի հայելոյս ճշմարտութեամբն: Եւ միւսն՝ ի մէջ գալ՝ և աւքտել զայլս, և ընծայել Աստուծոյ ժողովուրդ սեփհական՝ և յոլովս զպատկերն մաքրել: Վասն զի լաւագոյն է առաւելն, որպէս քան զտունկ՝ դրախտ, և քան զմի աստղ՝ երկին բովանդակ, նոյնպէս քան զմի ոք ուղղել՝ զբոլոր եկեղեցին: Վասն զի և Աստուած որում կալ մնալն էր իշխանութիւն յիւրում փառսն, բայց թափեաց զինքն մինչև ի ծառաի կերպ և ամենայն նախատանաց համբեր վասն բազմաց:

Այս հոգւոյն առթումն, յորմէ յաղթեալ և ակամա ձգեալ, ելանէր յայրէն և վարէր